



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 2. Hora unde dicta. Figmenta Poetarum de Horis. De usu horologiorum
apud veteres. Horae olim nunciatae à servis. Verus dies Christus est.

urn:nbn:de:hbz:466:1-10805

Horum vocent *f.* Est & Dea Hora apud Romanos, quam dicunt fuisse Hersiliam Romani uxorem, quae post mariti apotheosim in cælum translata Hora vocata fit, ut Ovidius fabulatur *g*, de qua Ennius,

Teque Quirine pater veneror, Horamque Quirini.

f Macrob. lib. 1. c. 21. *g* Ovid. metamor. lib. 14. in fine.

s. I I.

Hora unde dicta. Figmenta Poetarum de Horis. De usu Horologiorum apud veteres. Hora olim nunciata à servis. Verus dies Christus est.

I. Unt qui horas à Sole dictas putent. *A*gyptii enim, ut dixi, Solem Horum vocabant. Alii à luce, quæ Hebraicè *חָרֶב* Hor vocatur, horas quasi lucis partes denominant. Quidam malunt *אַנְדָּה* & *אַמְּתָה* quod terminum significat, deduci: five ab *בְּאַלְגֵן* quod est terminare, dividere, disfinire. Porro de Horis multa suo more fabulantur Poetæ. Fingit Ovidius *h* Horas puellas esse, quæ Soli ministrent, easque Homerius i cæli janitrices facit, quia tempora moderantur è cæli, solisque motu pendentia. Chrysippus apud Senecam *k* ait Horas Gratiarum forores esse, sed natu majores. Nascenti Auroræ inservire Horas canit Smyrnaeus *l* in Paralipomenis. Eadem futurorum nuncias esse, Bacchum coronasse, & cæli phalanges adversus Typhæum armasse tradit Nounus in Dionysiacis *m*. Item Horas dedisse ubera Serenæ uxori Stiliconis fabulatur Claudianus in ejus Panegyrico. Apud Apulejum *n* in nuptiis Psyches Horæ ministrabant. Rursum Homerus *o* in hymnis Horas vocat sapientes, Soli afflentes, & quæ natam è mari Venerem suscepint, & ornarint. Orpheus elegantiissimum de Horis hymnum conscripsit, castas easdem appellans, floribus abundantes, omnis coloris, multi odoris, semper videntes, circulares, suaves, faces habentes, vestibus roscidis indutas, cælis, ter-

h Ovid. lib. 2. met. i Hom. Iliad. 8. v. 393. *Id.* II. 5. v. 750. *k* Senec. de benef. lib. 1. cap. 3. *l* Coint. Smyrn. lib. 1. Paralip. v. 48. *m* Non. Dionys. lib. 1 v. 224. *o* initio lib. 9. *n* Apul. lib. 6. ubi quedam Philippus Bezoardus. *o* Hom. hymn. in Apoll. v. 194. *p* hym. 2. in Iyrem.

risque gratificantes; & inculpatas. Panyasis Poeta apud Athenæum *p* primam in mensa potionem Gratiis, Horis, & Baccho tribuebat: atque ibidem commemorat Atheneus in Horarum facello aram Dionysio erectam, quod horæ fructus vitis nutriant, & ad matutinatem perducant. Hesiodus *q* in Theogonia dicit Horas Themidis filias esse, & maturitatis auctices. Ut enim notat Suidas, illud temporis punctum significat hora, quo res matura, & perfecta est. Ita passim in Evangelio *r*, *Nondum venit hora mea: sciens Iesus, quia venit hora eius.* Theocritus *s* horas tardissimas nuncupat, caras tamen, & exoptatas, semper aliquid novi ferentes hominibus. Philostratus *t* in Iconibus horarum imaginem graphicè pingit hoc modo. Horæ corporea specie in terram profectæ manus contingentes annum voluant, & tellus sapiens existens bellè cum ipsis fert annua omnia: sublatum autem brachium, comæque demissæ libertas, seruenque præ cursu gena, & una salientes oculi fabulari fortasse aliquid super pictore permitunt. Horas autem intelligit quatuor anni tempora, de quibus in Cosmurgia sic Georgius Pisides *u* concinit:

*Hæc vicibus alternis cursu annuo,
Instar puellarum choros agitantum,
Digi toisque conseruentum inter se suos,
Vite decoræ ut choream agant pulcherrimam.*

Apud Pausaniam in Atticis Horæ in Jovis capite insident, nam ejus nutu temporum vices decurrent. Olen Poeta apud eundem in Corinthiaca ab horis educatam Junonem scriptum reliquit *x*. Horas quatuor, & Vesperis imaginem in pompa Ptolomæi Philadelphi describit Athenæus libro quinto *δευτεροποιησίας*. Ipsiis horis diuinis honores habitos ab Atheniensibus narrat iterum Pausanias *y*, unamque vocat Carpon, alteram Thalloten: tertiae nomen non dixit. Phornutus *z* libro de natura Deorum: Ab horis, inquit, omnia bona, quæ nobis adiunt, custodiuntur, & servantur. Una Eunomie dicitur ob æquam rerum distributionem: altera Dice, id est justitia, quod jure contendentium lites dirimat: Tertia Irene, id est Pax, quasi ratione, &

P Atheneus initio lib. 2. *dipnosoph.* *q* Hesiod. Theogonia v. 900. *r* Ioan 2. 4. *Ibid* 13. 1. *s* Theocrit. Idyl. 15. v. 104. *t* Philostr. in Icon. in fine lib. 2. *u* Georg. Pisid. Cosmurg. v. 286. *x* Est de Horis Regula quinta Tychonii Afric. *y* Pausan. in Baetoticis. *z* Phorn. de natura Deor. cap. 29.

ne, & non armis lites confopiat. Alia horarum nomina Hyginus^a, & ex eo Lilius Gyraldi^b recensent. Nunc communiter accipitur hora pro his spatiis, in quæ dies dividitur. Ante Palamedem nec horas, nec horologia fuisse Philostratus in Heroicis commenorat; Cæterum Claudius Salmasius^c in Plinianis exercitationibus prolixa, & odiosa disputatione conatur ostendere, nullum apud veteres horologii usum, nec diem in horas tributum ante Magni Alexandri tempora fuisse. Confutat ejus conjecturas doctissimus vir Dionysius Petavius^d in Auctario operis omni laude dignissimi de doctrina temporum, monstransque florente Græcia divisionem diei in horas communiter adhibitam. Hanc ad Græcos ab Ægyptiis manasse scribit Herodotus in Euterpe.

2. Illa tamen fractio dierum in 12. partes non statim horarum nomine procellit; sed aut partium, aut signorum, ut Julius Pollux^e refert ex Menandro. Congessit Plinianus exercitator quæcunque de horis, & horologiis apud priscoe Scriptores reperiuntur. Ipfum legat, qui hæc fuisus scire, ejusque loquacitate patientiam exercere desiderat. Scioterici horologii primus inventor in Græcia celebratur à Plinio^f Anaximenes Milesius: sed Laertius, & Suidas Aniximandro ejus præceptoris hanc inventionem tribuunt. His tamen antiquior ducentis ferè annis fuit Achaz Rex Judeorum, cuius solare Horologium commemorat Scriptura^g. Romæ indiscreta lux diu fuit, donec Scipio Nasica horologia introduxit anno Urbis 595. si vera Plinius^h refert. Ctesibium Alexandrinum horologia hydraulica mira ratione reperisse narrant Ciceroⁱ, & Vitruvius^k, itemque Athenæus^l ex Aristocle libro de choris. Usum vero Clepsydrarum in Urbe Achanta trans Nilum incepisse docet Pierius^m in Hieroglyphicis. Meminit Clepsydrae Plato in Theateto his verbis. Illi vero in occupatione semper dicunt, urget enim illos aqua fluens. Cum Apolloniusⁿ Thy-

næus coram Domitiano causam dicturus es-
set; Quantâ aquâ, inquit Scriba, orationem
tuam metieris? hoc enim ante causam di-
cendam scire me oportet. Cui Apollonius,
si quodcumque causa exigit, dicere me finas,
non ipse Tyberis ad metiendum sufficiat. Pli-
nius junior^o cum causam cuiusdam Proconsulis
egisset in Senatu; Dixi, inquit, horis
penè quinque, nam decem clepsydris, quas
spatiofillimas acceperam, sunt additæ qua-
tuor. Qualis autem fuerit antiqua clepsydrae
forma, eleganter Petavius^p docet in notis ad
Dionem Synesii. Eamdem sic describit Apuleius^q: Præconis amplio boatu citatus accusa-
tor quidam senior exurgit, & ad dicendi
spatium vasculo quodam in vicem coligaci-
liter fistulato, ac per hoc guttatum defusa in-
fusa aqua, populum sic adorat. Sinenses in-
gentibus clepsydris ex aqua, vel cinere odo-
rifero horis metiendis usos refert Matthæus
Riccius^r in historia Sinarum. Extat non
inelegans Symposi^s ænigma de clepsydra
minus rectè à quibusdam de ratione expli-
catum.

*Lex bona dicendi, lex sum quoque dura tacendi,
Fus avidæ lingue, finis sine fine loquendi,
Ipsa fluens dum verba fluit, ut lingua quiescat.*

Narrat Saccus^t in Historia Ticinenfi Severi-
num Boetium primum fuisse, qui horologia
libratis ponderibus Romæ componi curarit. Cæliodorus^u libro primo variorum duo horo-
logia mirabilis structuræ describit; unum, ait, in quo humana solertia videtur colligi,
quod totius cæli noscitur spatia pervagari. Alterum ubi Solis meatus sine Sole cognoscitur,
& aquis guttantibus horarum spatia ter-
minantur. Alexis Poeta apud Athenæum^v
in quadam convivio patinam superbam adve-
ctam dicit, quæ horas redoleret, & tempora;
quæ scilicet cœli cursum, & signa ostenderet:
quale apud Petronium Arbitrum^y Trimalcio-
nis repositorum describitur, quod habebat 12.
signa Zodiaci in orbem disposita, & super illa
convenientem materiæ cibum. Simile fuit ten-

Rrrr 2 torium,

^a Hygin. fabul. 183. ^b Cyral. de Diis gent. Synt. 13.
^c Clau. Salmasius in Plin. exercit. pag. 632. usque ad
658. ^d Petavi. lib. 7. variar. dissertationum cap. 7. 8. 9.
^e Id. Pollux. lib. 1. Onomast. cap. 8. ^f Plin. lib. 2. c. 76.
^g 4. Reg. 20. ^g Iſai. 39. h Plin. l. 7. c. 60. i Cic 2. de
natura Deor. k Vitruvius l. 9. c. 9. l. Athen. lib. 4. c. 24.
m Pier. hierog. lib. 6. cap. 4. n Philoſtr. de vita Apol-
lon. lib. 8. cap. 1.

^o Plin. lib. 2. ep. 11. p Petavi. pag. mihi 20. q Apul.
initio lib. 3. r Riccius hist. Sinarum lib. 1. s Sympos.
u. 69. t Bernardin. Saccus hist. Ticin. lib. 7. u Cæliod.
lib. 1. var. epist. 45. w 46. x Athenæus lib. 2. cap.
18. y Petronius Arbiter in Satyrico.

torium, quod à Sultano Babylonie Friderico secundo Imperatori dono datum refert Spondanus ^z, in quo Sol, & Luna cursum suum debitum spatiis observabant: & horæ diei, & noctis citra errorem indicabantur. Chromatius quoque Præfector in actis S. Sebastiani, Habeo, inquit, cubiculum ex toto vitreum, in quo omnis disciplina stellarum, ac mathesis mechanica est arte constructa; in quo mensum, & annorum cursus certo numero per horarum spatia distinguuntur; & lunaris globi plenitudo, vel diminutio digitorum motu rationis ministerio, & calculi supputatione prævidentur. Jam multa fabricantur Horologia non solum horas, Solisque motus, & siderum indicantia, sed quæ diversis librata ponderibus varijs generis musica instrumenta sonantia, & multiplices exhibeant statuarum saltationes. Bernardinus Carovagius bove capitolior, oculis emillitiis, ore exorrecto, & lingua blaesi si Sacco ^a Ticinensis Historico credimus, unum compo-suit in gratiam Andreae Alciati, eo artificio, ut qua quisque statueret hora noctu ære sonante expurgisci posset, eademque opera lucerne lumen accenderetur. Ignis enim scintilla ab inserto filice in subiectum sulphur excussa in flammarum ibat, qua repente ardenti sulphuris ministerio, & lychnorum continuatione lucernæ fila accendebat. Etiam in annuli gemma narrat Cardanus ^b horologium fabricatum fuisse, quod mola circumagebat, & horas indicabat non solum sagitta, sed iætu. Olim Hebrei tubarum sonitu ad horas indicandas utebantur, ut scribit Josephus ^c. Idem nunc faciunt Turcae clamore è turri sublatu. Antiquiores monachi, teste Cassiano ^d, ex aspectu siderum nocturnæ synaxis horam explorabant. Quod etiam Cluniacenses obser-vasse ex relatione de miraculis S. Hugonis colligitur, quæ habetur in Bibliotheca Cluniacensi ^e. Diurnarum verò precum horam ut dignoscerent, Sole sereno aut proprii corporis, aut Gnomonis in Sciotherico Horologio umbrarum projectiones inspiciebant: cœlo autem nubilo clepsydris veterum more utebantur, sicut tradit in Divinis lectionibus Cassiodorus ^f. Porro modum di scilicet nescidi horis ex quantitate Psalmodi ostendit Pe-

^z Spondan. an. 1232. Apud Bollandum 20. Ian. c. 16. ^a Saccus hist. Ticin. lib. 1. ^b Cardan. de subtilitate. ^c Josephus de bello Iud. lib. 5. cap. 9. ^d Cas-sian. lib. 2. cap. 17. ^e Biblioth. Cluniac. pag. 448. ^f Cassiod. di v. lect. cap. 30.

trus Damianus ^g; Ut quandocunque, inquit, Solis claritas sive stellarum varietas nubium densitate non cernitur, in quantitate Psalmodiæ, quam tenuerit Monachus, quoddam sibi velut horologium metiat. Horologi vero mechanici primum inventorum Silvestrum Secundum fuisse ex Monacho Floriacensi Pontificem Summum tradunt nonnulli ^h, sed ma-la historie fide; nam Persæ Regem dono misisse hujusmodi horologium Carolo Magno Imperatori ducentis circiter annis ante Silvestrum refert Aimoinus ⁱ de gestis Francorum. S Verius videtur quod Polidorus Virgilius scribit, primum auctorem mechanici horologii ignotum esse.

3. Apud Romanos servi erant, quorum munus esset horas dominis nunciare. Martialis ^k, de hac re hi versus sunt:

Horas quinque puer nondum tibi nuntiat,
& tu

Iam conviva mihi, Cæciliæ, venis.

Satyricus quoque de hoc ritu sic canit;

Quem dicat venisse puer, quot nunciet horas.

Eamdem consuetudinem commemorant Seneca ^m, Marcus Varro ⁿ, Suetonius ^o, & alii. Artemidorus ^p Daldianus actiones, impetus, & motus ab horologio significari afferit. Homines enim omnia faciunt ad horas respiciendo. Semper autem melius existimat horas ante sextam, hoc est antemeridionales, numerare, quam eas, quæ post sextam sequuntur: quod etiam Hesiodus in fine dierum asseverat. Verus autem, & clarus dies Christus est, verè dies aëternus, & sine nocte, ut ait S. Zeno ^q, cui duodecim horæ in Apostolis, duodecim menses serviunt in Prophetis, quem Evangeliorum salutaria quatuor tempora prædicant. Hic est dies, quem nullæ temerant nubes, nulla interpolat nox, dies fulgentissimus, qui nescit occasum. O splendor lucis aëternæ, cuius claritas illuminat mundum, veni, & illumina animam meam splendoribus Sanctorum, ut in lumine tuo verum lumen videre possim, quod illuminat omnem hominem sedentem in tebris

^g Petr. Damian. opusc. 13. cap. 17. ^h Vincen. spec. hist. lib. 24. cap. 98. Arnold. avion. ligni Vitæ lib. 5. cap. 72. ⁱ Aimoin. lib. 4. cap. 95. ^k Martial. lib. 8. 1. ^l Iven. sat. 10. ^m Senec. de brevit. vite cap. 10. ⁿ Varro lib. 5. de ling. Latina. ^o Suet. in Domitiano. ^p Artemidor. de interpret. somniorum lib. 3. cap. 67. ^q Zenoferm. I. de Pafœba.

nebris, & umbra mortis. O quando veniam, & apparebo Domine, ante faciem tuam! O quando videbo diem illum, diem jucunditatis, & letitiae; diem quem tu fecisti, ut exultemus, & latemur in eo! O præclarum diem illum, diem verum, diem æternum, diem votis omnibus expetendum! Caret horis, & tenebris dies ille, jugis in eo meridies est, quia claritas Dei irradiat illum. Atque utinam ad diem illum post tenebras hujus mundi perduci citius merear, tunc enim gaudens, & exultans non per temporum, & horarum momenta; sed fine intermissione cantabo tibi, qui me vocasti in admirabile lumen tuum.

M E T R U M VI.

Tempora precipiti glomerantur concita cursu,
Et restuant gyris noctis, diesque suis.
Atque ut bisseris finitur mensibus annus,
Sic totidem spatiis dividit hora diem.
Dividit hora diem, justis & partibus æquat,
Dum subeunt proprias cuncta creativa vices.
Uda prius siccus signavit clepsydra soles,
Et secuit calidos frigida meta dies.
Scilicet impulsis agitatur solibus orbis,
Et restans annus præcipitatur aquis.
Tum caput temus percurrere tempus arenas,
Omnia nam rabido frangere dente solet.
Mox, quia sunt umbris humana simillima, gno-
mon
Inniuit umbroso tramite lucis iter.
At nunc ad ferrum postquam migratis ab auro.
Secula, ferratis aufugit hora rotis.
Aufugit, & sepe per ferrea puncta trucidans
Admonet ad duram nos properare necem.
O quicunque dies doctissi hac arte scari,
Scito: non omnis hæc monumenta juvant.
Nam cur tam lentum tempus remoratur amantes,
Aut cur dissimili mobilitate viget?
Flet quidam longo sua duci flamina filo,
Dum cupid æterni Regis amore frui:
Alter ait, faciem si quando cernit Amantis,
Cur mihi contractis preterit hora rotis?
Nempe licet motum mensure temporis hora,
Non tamen ast. Etus quis agitatur amor.
Credite: dilato cruciantur tempore Amantes,
Estque illis anno longior una dies.
O igitur quando fugiunt temporis expers,
Lux mea, Christe Deus, te sine fine fruar!
Illa dies tenebris, horisque, ac fine carabit,
Unica si quando fulserit illa dies.

§. III.

Secunda divisio dici naturalis antiquo Romanorum more; Tertia divisio dici, & noctis artificialis. Cur divisa dies in 12. horas. De horis æqualibus, & inæqualibus. In vicissitudine diet, & noctis reluet mirabiliter Dei providentia.

1. Secunda divisio dici plura noctis, & dici tempora subnotat, propriisque discernit nominibus, quæ apud Poetas, aliosque Scriptores paucim observata inveniuntur. Ea omnia suo ordine Macrobius, & Censorinus expoundit. Incipiunt autem à media nocte, quod tempus principium, & postremum est dici Romanæ. Tempus, quod huic proximum est, vocatur de media nocte, sive media noctis inclinatio. Sequitur Gallicinium, primus galli cantus post medianam noctem. Deinde Conticinium, cum & galli silent, & homines quiescent. Tum primum diluculum, sive crepusculum matutinum, diei clarescentis exordium. Secundum diluculum vocatur manè, cum Sol videtur, & dies jam clarus est. Sol post hoc ad meridiem vergit, facitque meridiem, quod est medii dici nomen. Inde tempus occiduum, sive pomidianum, vel de meridie. Hinc suprema tempestas novissimum dici tempus. Post supremam dicitur Vesper, ante ortum scilicet ejus stellæ, quam Plautus Vesperinæ, Ennius Vesperum, Virgilius Hesperon appellat. Inde porro crepusculum vespertinum. Post sequitur tempus, quod Antiqui primæ facis dicebant, vel prima face; sive quia, tunc primum accendebantur faces, & luminaria: sive quia, ut observat vir reconditus eruditiois Joannes Brodæus ^r, tunc Venus fax cœlestis incipit lucere. Deinde concubium dicitur, cum itum est cubitum. Postea nox intempesta, quam Vattro ^s noctis meridiæ vocat, tempus minimè idoneum rebus gerendis. Tum ad medianam noctem, & sic media nox. Hæc est dici civilis à Romanis observata divisio. Noctis partes eleganter describit Philosophus Medaurensis: Ecce, ait, crepusculum, & nox proiecta, & nox altior, & de R r i r 3. inde

^r Io. Brodæus l. 4. miscell. c. 33. ^s Varro in Marti

gore. ^t Apuleius libro 2. metamorph.